

Gairm gu Ùrnaigh: Latha na Sàbaid 2 dhen Chèitean 2021

Ùrnaigh aig 7f

Tha iomadh deasbad a' dol mu cheistean dearbh-aithne na làithean seo. Tha daoine a' beachdachadh air an dà chuid dearbh-aithne phearsanta agus dearbh-aithne na coimhearsnachd no na dùthcha. Tha na ceistean seo cudromach, oir bidh ar dàimhean le daoine eile a' fàs bhon tuigse againn oirnn fhèin.

Ann an aon dòigh, nuair a thuigeas sinn nàdar Dhè nas fheàrr, bidh sinn a' tuigsinn nas fheàrr a dhàimh rinne agus ar dàimh ris-san. Tha na Sgrìobtairean a' soillearachadh dearbh-aithne Dhè dhuinn, ag innse dhuinn "gur gràdh Dia". Tha dearbhadh againn air a seo, oir: "chaidh gràdh Dhè a nochdadh dhuinne - gun do chuir Dia aonghin Mic dhan t-saoghal airson 's gum bitheamaid beò troimheasan." (1 Eòin 4: 7 - 21). Chì sinn nàdar Dhè ann am fèin-ìobairt Dhè, agus tron fhèin-ìobairt sin, chì sinn an fhìrinn, "gur gràdh Dia." Ann an solas na fìrinne seo, ann an solas na tuigse seo, chì sinn gu ìre mhòr pàtran ar dàimh ri ar co-creutairean.

Dèanamaid ùrnaigh:

A Dhè, is gràdh thu,
agus chì sinn do ghràdh air fhoillseachadh
ann an gealladh do Mhic.
Deònaich gun gabh sinn ri gealladh do ghràidh
agus gum bitheamaid beò ann antaingeachd airson d' fhialaidheachd.
A Thighearna, na do thròcair,
èist ri ar n-ùrnaigh.

A Dhè, is gràdh thu,
agus chì sinn do ghràdh air fhoillseachadh
nad Mhac, a ghabh air fhèin nàdar na daonnachd,
agus a dh'fhuiling air ar sgàth.
Stiùir sinn, gus an gabh sinn pàirt ann am beatha choitcheann ar co-chreutairean
A Thighearna, na do thròcair,
èist ri ar n-ùrnaigh.

A Dhè, is gràdh thu,
agus chì sinn do ghràdh air fhoillseachadh
ann an coimhearsnachd do shluaigh, anns gach aon againn a chaidh a dhèanamh
nad ìomhaigh fhèin.
Thoir solas do ar sùilean, gus am faic sinn d' ìomhaigh nar coimhearsnaich.
A Thighearna, na do thròcair,
èist ri ar n-ùrnaigh.

A Dhè, is gràdh thu,
agus chì sinn do ghràdh air fhoillseachadh
anns na h-àiteachan far a bheil gràdh a' cur an ruaig air eagal.
Deònaich gum bi an ruaig air a chur air eagal, agus gun soillsich gràdh na àite
nar coimhearsnachdan fhèin.
A Thighearna, na do thròcair,
èist ri ar n-ùrnaigh.

A Dhè, is gràdh thu,
agus chì sinn do ghràdh air fhoillseachadh
ann an aiseirigh do Mhic agus ann an gealladh do Spioraid.
Stiùir sinn, gus am bitheamaid beò ann dòchas na h-aiseirighe.
A Thighearna, na do thròcair,
èist ri ar n-ùrnaigh.

Soidhnichte:

An Ceart Urramach Màrtainn Fair, Moderàtor Àrd-Sheanadh Eaglais na h-Alba

Am Fìor Urramach Leo Cushley, Àrd-Easbaig Chill Rìmhinn agus Dùn Èideann

Am Fìor Urramach Marcus Strange, Primus as leth Colaiste nan Easbaigean,
Eaglais Easbaigeach na h-Alba

An t-Urramach Iain Fulton, Moderàtor, Eaglais Shaor Aonaichte na h-Alba

An t-Urramach Dòmhnall G. Dòmhnallach, Moderàtor, an Eaglais Shaor

An t-Urramach Pòl Whittle, Eaglais Ath-Leasaichte Aonaichte (Alba)

An t-Urramach Màrtainn Hodson, Àrd-Stiùiriche, Aonadh Baisteach na h-Alba

An t-Urramach Marcus Slaney, Cathraiche Roinn-Dùthcha, Eaglais nam

Methodach (Alba)

An t-Urramach Tòmas R. Wilson, Cathraiche, Caidreachas Co-thionalach ann an

Alba

Lt. Col. Carol Bailey, Rùnaire na h-Alba, Feachd na Slàinte

Adwao Bittle, Comann nan Caraidean (Cuagairean)

An t-Urramach Claire Fender, Àrd-Neach-Stiùiridh Roinn-Dùthcha, Eileanan

Bhreatainn, Eaglais an Nàsaraich

Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais

Chrìosdal air Saoradh le Dia

Easbaig Francis Alao, Eaglais Dhè (Alba)/ Eaglaisean nam mìon-shluagh còmhla

ann an Alba (MECTIS)

An t-Urramach Fred Drummond, Stiùiriche, Caidreachas Soisgeulach (Alba)